



Մ Ա Յ Ր Ա Թ Ո Ռ Ո Ւ Մ

ՓԵՏՐՎԱՐԻ 8-ԻՆ, ԿԻՐԱԿԻ, ԲՈՒՆ ԲԱՐԵ-
ԿԵՆԴԱՆԻ ՕՐԸ, Մայր Տաճարում պատարա-
գեց արժանապատիվ Տ. Հակոբ քահանա քե-
լամյանը և քարոզեց լուսարարապետ գերա-
շնորհ Տ. Սահակ սրբազանը «Ողորմեա ինձ
Աստուած» Սաղմոսի բնաբանով:

Սուրբ պատարագին ներկա էր Վեհափառ
Հայրապետը:

ՓԵՏՐՎԱՐԻ 11-ԻՆ, ՉՈՐԵՔՇԱՐԹԻ, Մայր
Տաճարում սկսվեցին Մեծ պահոց հատուկ
Արևազալի ժամերգությունն ու երգերը:

Արևազալի հանդիսավոր ժամերգության
ներկա էր Վեհափառ Հայրապետը:

Հոգևոր ճեմարանի ուսանողական երգչա-
խումբը Մեծ պահքի ընթացքում, շրեքշաբ-
թի և ուրբաթ օրերը, Մայր Տաճարում կկա-
տարի Արևազալի երգերը:

ՓԵՏՐՎԱՐԻ 14-ԻՆ, ՇԱՐԱԹ, ՏՅԱՌՆԸՆԴԱ-
ՌԱԶ: Օրվա մեծ տոնի առթիվ Մայր Տաճա-
րում եպիսկոպոսական հանդիսավոր սուրբ
պատարագ մատուցեց և քարոզեց Հոգևոր
ճեմարանի վերատեսուչ գերաշնորհ Տ. Հայ-
կազուն եպիսկոպոս Աբրահամյանը «Զի տե-
սին աչք իմ զփրկություն քո» բնաբանով:

Սուրբ պատարագին ներկա էր Վեհափառ
Հայրապետը:

ՓԵՏՐՎԱՐԻ 15-ԻՆ, ԱՐՏԱՔՍՄԱՆ ԿԻՐԱ-
ԿԻՆ, Մայր Տաճարում պատարագեց արժա-
նապատիվ Տ. Հովհաննես քահանա Մարութ-
յանը և քարոզեց հոգեշնորհ Տ. Հարություն
աբեղա Մատենյանը «Եւ արար Աստուած
զմարդն ի պատկեր իւր» (Մենդոց Ա 27) բնա-
բանով:

Սուրբ պատարագին ներկա էր Վեհափառ
Հայրապետը:

ՓԵՏՐՎԱՐԻ 19-ԻՆ, ՀԻՆԳՇԱՐԹԻ, Հոգևոր
ճեմարանում, ժամը 3.30,ին, դասախոսեց Ա.
Զոհրաբյանը «ՍՍՌՄ-ի 7-ամյա պլանը» թե-
մայի շուրջ:

ՓԵՏՐՎԱՐԻ 21-ԻՆ, ՇԱՐԱԹ, Երեկոյան
ժամը 7-ին, Վեհափառ Հայրապետը Հոգևոր
ճեմարանում խոսեց ուսանողությանը «Հայ
հոգևորականը պետք է լինի հավատավոր,
լուսամիտ և հայրենասեր» թեմայով:

Հոգևոր ճեմարանի ուսանողությունը միշտ
երախտագիտությամբ և շնորհակալությամբ
է լսում իր Հոր՝ Վեհափառ Հայրապետի դա-
սախոսություններն ու հայրական հորդոր-
ները:

Դասախոսության վերջում վերատեսուչ
սրբազանը ջերմ շնորհակալություն հայտնեց
Վեհափառ Հայրապետին՝ նրա եկեղեցասի-
րական և հայրենասիրական դաստիարակիչ
հորդորների համար:

ՓԵՏՐՎԱՐԻ 22-ԻՆ, ԱՆԱՌԱԿԻ ԿԻՐԱԿԻՆ,
Մայր Տաճարում պատարագեց հոգեշնորհ
Տ. Մուշեղ վարդապետ Պետիկյանը և քա-
րոզեց հոգեշնորհ Տ. Մեսրոպ վարդապետ
Անիթաբյանը «Զի այս որդին իմ մեռեալ էր
և իկեաց, կորուսեալ էր և գտաւ, և սկսան
ուրախ լինել» (Ղուկաս ԺԵ 24) բնաբանով:

Սուրբ պատարագին ներկա էր Վեհափառ
Հայրապետը:

Սուրբ պատարագին ներկա էր նաև վեր-
ջերս Սիրիայից ուսանելու համար Մայր Հայ-
րենիք ժամանած հայ երկսեռ ուսանողների
խումբը:

Սուրբ պատարագի ավարտին, Վեհարա-
նում, Վեհափառ Հայրապետը բարեհաճեց
ընդունել ուսանողների խմբին: Վեհափառ
Հայրապետը օրհնեց բոլորին, հետաքրքրվեց
նրանց ուսանողական կյանքով, հորդորեց
սովորել անձանձրույթ, գիտություն ամբա-
րել, հետագայում օգտակար լինելու համար
հայ ժողովրդին:

Ի դիմաց ուսանողության, Սամվել Սա-
լիպյանը կարդաց հետևյալ սրտագին ուղեր-
ձը, ուղղված Վեհափառ Հայրապետին.

«Շնորհազարդ Հայրապետ.
Հայրենադարձ հայեպահայ ուսանողներ:
մեծապես երախտապարտ ենք Հայրենիքի

կառավարության, որ մեզ իբր ուսանող ընդունելով, հնարավորություն տվավ մեր ուսումը շարունակելու մեր պաշտելի Հայրենիքի՝ Սովետական Հայաստանի մեջ: Միաժամանակ երանելի առիթը ընծայվեցավ մեզ տեսնելու հայ ժողովուրդի դարավոր հավատքի լույսի կեդրոն և ներկայի անխախտ միասնականության կոթող հանդիսացող Ս. Էջմիածնի Մայր Տաճարը և անոր արժանավոր Հովվապետը:

Էջմիածինը՝ Հայ Եկեղեցւոյ միակ կեդրոնը՝ տեսնելու իղձը Սփյուռքի մեջ ամեն մի հայու տարիներու երազն է եղած:

Արտասահմանի հայության և մանավանդ Սուրբ Հայերուն ջերմ զգացումներն ու հույզերը կրեանք Ձեզ, մեր սիրելի՝ Վեհափառ Մենք արտասահմանի հայ ուսանողության կողմն անհուն երախտագիտություն կհայտնենք Մեր Մայր Եկեղեցիին՝ որ Սփյուռքի և Հայրենիքի միջև դարերու ընթացքին հոգեկան կապի ոսկե կամուրջ հանդիսացավ, շնորհիվ իր արժանավոր հայրապետներուն: Երախտագիտություն կհայտնենք նաև Ձեզ, Ձեր սուրբ ջանքերուն համար, հօգուտ Հայ Եկեղեցիին և ժողովուրդի միասնականության:

Սրտագինս Ձերդ Վեհափառության կմաղթենք արևշատություն և կորով, նորանոր նվաճումներ կատարելու Հայ Եկեղեցիին ներս և հայ ժողովուրդի համար»:

Վեհափառ Հայրապետը, ակնբախ հուզված իր հայրենադարձ որդիների սիրո և հավատարմության զգացմունքներից՝ դեպի Եկեղեցին և Հայրենիքը, օրհնելի բողոքին և ցանկացավ, որ նրանք բոլորը լինեն հայ ժողովրդի և Հայ Եկեղեցու արժանավոր զավակներ:

Ընդունելության վերջում Վեհափառ Հայրապետը սիրիահայ ուսանողներին նվիրեց խաչեր և իր մակագրությամբ հորելյանական գրքեր:

Նույն օրը, հետ միջօրեի ժամը 3-ին, Մայր Աթոռ, Ս. Էջմիածին և Վեհափառ Հայրապետին այցելեց ՍՍՌՄ-ի շախմատի չեմպիոն Տիգրան Պետրոսյանը իր հարգելի տիկնոջ հետ:

Փետրվարի 23-ին, ԵՐԿՈՒՇԱՐԹԻ, առավոտյան ժամը 11-ին, Վեհափառ Հայրապետի նախագահությամբ, Վեհարանում գումարվեց Մայր Աթոռի օժանդակ ճարտարապետների հանձնաժողովի նիստը, քննության առնելու համար նկարիչ Հրաչյա Ռուխիկյանի՝

նի՝ Վեհափառ Հայրապետի պատվերով պատրաստած Հայաստանի պատմական վանքերի և եկեղեցիների մատիտանկարների ալբոմը:

Փետրվարի 24-ին, ԵՐԿՈՒՇԱՐԹԻ, առավոտյան ժամը 11-ին, Վեհափառ Հայրապետի նախագահության տակ, Վեհարանում կայացավ նկարիչների խորհրդակցություն, Մայր Տաճարի վարագույրների ուրվագիծ (էսքիզ) պատրաստելու կապակցությամբ:

Փետրվարի 26-ին, ՀԻՆԳՇԱՐԹԻ, Հոգևոր Ճեմարանի Վերատեսուչ գերաշնորհ Տ. Հայկազուն սրբազանը մեկնեց Թբիլիսի, Ս. Սարգսի տունը (հին տոմարով)՝ Վրաստանի հայոց թեմում անցկացնելու, պատարագելու և քարոզելու համար: Սրբազան հորը ընկերակցում էր Գլխարանի ուսանող բարեշնորհ Ժիրայր սարկավագ Ճերեճյանը:

Սրբազան հայրը Մայր Աթոռ վերադարձավ մարտի 4-ին, չորեքշաբթի օր:

Փետրվարի 26-ին, ՀԻՆԳՇԱՐԹԻ, երեկոյան ժամը 3-ին, Վեհարանում, Վեհափառ Հայրապետի նախագահությամբ, գումարվեց Արարատյան Հայրապետական թեմի թեմական խորհրդի նիստը: Նիստում ղեկուցեց Արարատյան թեմի առաջնորդական փոխանորդ հոգեշնորհ Տ. Վահան վարդապետ Գալամդարյանը, թեմի 1958 թվականի եկեղեցական-վարչական գործունեության և 1959 թվականի թեմական խորհրդի առաջ կանգնած հարցերի մասին:

Նորին Ս. Օծուխունը նիստի վերջում իր հայրական գոհունակությունը բարեհաճեց հայտնել Արարատյան թեմի առաջնորդական փոխանորդ հոգեշնորհ Տ. Վահան վարդապետ Գալամդարյանի եռանդուն պաշտոնավարության, թեմական խորհրդի արդյունավետ գործունեության և քահանայից դասի պարտականության անձնվեր կատարման առթիվ:

Նիստի վերջում Վեհափառ Հայրապետը օրհնեց բոլորին և մաղթեց արդյունավետ գործունեություն 1959 թվականի թեմի եկեղեցական, վարչական, տնտեսական գործունեության կապակցությամբ: Ապա Վեհափառ Հայրապետը բարեհաճեց իրեն սեղանակից դարձնել Արարատյան թեմի առաջնորդական փոխանորդ հոգեշնորհ Տ. Վահան վարդապետին, թեմական խորհրդի եկեղեցական և աշխարհական անդամներին և քահանայից դասին:

